



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

30 Aprilis. Prid. Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

inrepuisti, & ad persolvendas ferventer Deo laudes excitâsti.

OMNES SANCTI, &c.

pag. 320.

S. MARIA, qua hodiernam tuam S. Catharinam Senensem, ob levem culpam, acerrimè reprehendisti; eandemque mirificè docuisti, solata es, ac etiam panes pinsentem, spectabilis adjuvisti. Argue me: doce me accuratissimè cavere ne vos etiam minimos; & quicquid ago, perfectè agere ope tuâ!

30 Aprilis. Prid. Kal. Maji.

SANCTE MI JESU! MARIA, DEI JESU Mater! gratias vobis pro donis, bonisque omnibus, in sanctissimam vestram, ac meam, Catharinam Senensem largè effusis! S. Catharina, quæ adhuc parvula, dum gradus scanderes, AVE MARIA! recitabas; quam nemo adiit, qui non melior abierit; quæ solâ Euchari-
stiâ contenta, jejunium, à die Cinerum, usque ad Jesu ascensionem, produxisti; & dæmonum, malorum linguarum, tentationum fœdarum, morborum invictissima triumphatrix, Christo à MARIA desponsata, eodem auream, & spinèam coronam, ut alterutram eligeres,

A a

geres,

geres, offerente, electam spineam
 capiti sancto impressisti; & post
 sumptum panem Angelicum, in
 ecstasi, è radiantis Crucifixi Vulne-
 ribus quinque, radios, ad quinque
 loca corporis tui, descendentes, ac-
 cipiens, dolore magno, amore
 magno languebas! quâ pro quibus-
 dam obstinatis orante, Christus illis
 apparuit, eosque convertit: quæ
 nobili cuidam scelerato, tunc ad-
 huc viva, per quietem apparuisti, ac
 dixisti: *Si evadere vis damnationem
 æternam, quantocyùs confitere:* cui
 infans JESUS cum Cruce apparuit:
 cui, præ vehementissimo amoris
 æstu, cor disruptum est: quam vir-
 gineis suis uberibus admovit Dei
 Mater, atque lactavit; & mortuam
 postea tribus coronis coronavit:
 quæ ajebas, eum, qui dulcissimam
 Dei Matrem cum reverentiâ colue-
 rit, non ~~deverandam~~ à dracone
 inferni: quæ cor tuum in apertum
 Christi latus intrare, atque ibi cum
 Christi corde conflare, vidisti. Ta-
 ceo alias illas tuas in corde tuo, in
 sancto illo Christi conclavi, cum
 corde, tibi à MARIA desponsati,
 JESU delicias. In morte certè hoc
 tuum solatium demoni objecisti:
 vanam gloriam te nunquam, ve-

ram semper JESU gloriam quæsi-
visse. Jam illam invenisti; jam in illâ
es! Dilecta cordi JESU Virgo! im-
possibile est, ut impetrare id non
possis, si valdè velis, à tuo JESU, à
tuâ MARIA, ut ego, clientum tuo-
rum ultimus, infimûsque, ac in-
dignissimus, ita JESUM, in MARIÆ
sinu, in Cruce, in pane vitæ, præ-
sentem amem; ita cor illi dem to-
tum, in conclave, in æternam illius
gloriæ victimam, ut in JESU Cruci-
fixi, & MARIÆ, complexu, puram
animam, in cælo coronandam,
expirem, beatus tecum semper. Per-
fice, ut id tunc experiar! Amen.

Sancti Mariane, & Jacobe, Mar-
tyres, qui ad solium, ad cæleste
convivium, amœno spectaculo, in-
vitati estis voce illâ: *Gaudete, &
exultate; cras enim nobiscum èt ipsi
cœnabitis.*

S. Eutropi Episc. colliso pro
Christo capite Martyr.

SS. Amator, Petre, & Ludouice,
MM.

S. Laurenti, unâ cum parvulis,
quos educabas, Martyr.

S. Aphrodisi, & alii triginta
MM.

S. Maxime Martyr, qui tentanti
te tyranno ajebas: *Animam meam
te tyranno ajebas: Animam meam*

400 ANNI CÆLESTIS

lucrabor. Me ipsum offero sacrificium Deo meo vivo, & vero. In manus tuas, Domine, commendo spiritum meum: & tunc ex alto præceps dejectus, devota Deo altissimo victima cecidisti.

S. Sophia V. Martyr.

S. Severe Episc. qui ut viduæ, ac pupillorum causæ succurreres, mortuum testem fuscitasti; & ante mortem viso mirabili divinitus recreatus, psalmos dulci voce pronuntiasti, dicens: *Levavi oculos meos in montes, unde veniet auxilium mihi. Ad te levavi oculos meos, qui habitas in calis!* tandem, concussio per terræ motum conclavi, ad eum, *qui habitat in calis, abiisti.*

S. Erconvalde Episcopo.

S. Joannes, à Saracenis, ob Christi fidem, carceribus, & verberibus cruciate, in asello per vias publicas ducte, clamante præcone: *Hæc meretur exprobrator vatis nostri, cultusque irrisor; ubique Confessor fortissime.*

S. Donate Episc. qui, dracone interfecto, fontem, quem ille veneno infecerat, salutariter expiasti; Imperatoris filiam à dæmone liberasti; & hominem à morte, ut creditor suo satisfaceret, excitasti.

B. Fran-

B. Franciscæ Senensis, qui MARIAM, tuam, etiam contra calumniatores, advocatam, quingenties quotidie salutasti: nec prius, quam te in libro vitæ scriptum legisti, oculos morte claufisti.


OMNES SANCTI, &c.

pag. 320.

S. MARIA, cui hodiernus tuus Franciscus Senensis gratias agebat, quod repente surdus factus esset; ne cum aliis, foeminis potissimum, conversari posset. Guberna sensus meos, & omnem illorum usum, ad tui JESU, tuumque amorem, honorémque converte!

S. MARIA, à cryptâ, coram cujus imagine ludentes, hoc die, anno 1564, pueri, viderunt ex illius fronte, ac oculis magnam lacrymarum, & sudoris vim emanare. cujus sudore illius foemina latus, omnes illius dolores illico absterfit. ibidem mutus loquendi facultatem; mulier, cujus pectus morbo quoque totum corrosam fuerat, sanitatem recepit: aliis quoque morbis, ac demonibus, ope tuâ, fugatis. Unde imago auro, antrum argento contactum est, ac templum ibi erectum. Domina, Domina, fac, ut te pretiosissimis, quibus possum, modis honorem, ac orem. arce à me nugas, quæ te offendunt: doce me

*ferio agere negotium aternitatis meae.
doce me dolere, doce amare, doce labo-
rare, ac sudare, amore tui Filii, Dei
mei!*



ANNI CÆLESTIS MAJUS.

I Maji. Kalendis Maji.

SANCTE Philippe, Scytharum & Phrygum Apostole, qui à magistro Jesu ostendi tibi Patrem cælestem, Dei videndi avidus, petiisti, & impetrasti, quando pro illo crucifixus, & lapidatus es. S. Jacobe *juste*, frater Domini, qui à carne, vino, sicerâ, semper abstinens, Sancta sanctorum ingrediebaris solus: cujus genua flectendi in orando assiduitas callo induit: qui tandem ex alto templi loco Jerosolymis præcipitatus, confractis cruribus, pro inimicis orans, in capite fuste fullonis percussus, animam dedisti magistro Jesu. O sanctissimum Apostolorum par! orate, ut *justus* vivam, & moriar; ut faciens omnes voluntates Dei, frater Jesu, & bonus Dei & MARIÆ filius vivam,